

小方壺齋輿地叢鈔

小方壺齋輿地叢鈔第八帙目錄

南清河王錫
祐祖
燕來
甫
參

初祖
燕來
甫
參輯

平定兩金川述略

陽湖趙翼著

山陽
盧丁
晉萬
雷寶
紗校

蜀微紀聞

青浦王祖著

金川瑣記

上海李心衡著

八排風土記

許州李來章著

金版行記

安陸余慶長著

經西見聞記

安陸余慶遠著

永昌士司論

永北劉彬著

黔苗雜記

濟南田雯著

滇黔土司婚禮記

江陰陳鼎著

峒谿續志

錢塘陸次雲著

說經

望江檀萃著

猺獞傳

錢塘諸匡鼎著

苗俗紀聞

桐城方亨咸著

苗俗記

吳縣貝青喬著

苗民考

甯波龔 柴著

苗疆城堡考

激浦鼓如煙著

苗疆村寨考

淑浦嚴如煜著

苗疆險要考

淑浦嚴如煜著

苗疆道路考

淑浦嚴如煜著

苗疆風俗考

淑浦嚴如煜著

苗疆師旅考

淑浦嚴如煜著

平苗記

・・劉應中著

苗防論

邵陽魏源著

西南夷改流記

邵陽魏源著

邊疆苗蠻事宜論

漳浦藍鼎元著

改土歸流說

南匯王履隨著

計二千六種

平定兩金川述略

陽湖趙 翼著

金川爲漢冉駹外徼隋置金川縣唐屬維州至明隸雜谷安撫司其地高峰插天層疊週複中有大河用皮船窄橋通往來山深氣寒多雨雪所種惟青稞蕎麥其番民皆築石碉以居與綽斯甲布等九土司壤相錯九土司曰綽斯甲布曰革布什咱曰巴旺曰布拉克康熙五年其土司嘉勒塔爾巴內附給演化禪師印俾領其眾後嘉勒塔爾巴之庶孫莎羅奔以土舍率兵從將軍岳鍾琪征羊峒有功雍正元年授爲安撫司莎羅奔既得官號自稱大金川以舊土司澤旺爲小金川於是有大小兩金川之稱莎羅奔尋以女阿扣妻澤旺澤旺備爲妻所制乾隆十一年莎羅奔劫澤旺婦奪其印總督慶復檄諭始還澤旺於故地十二年又攻革布什咱及明正土司巡撫紀山遣副將張興率兵彈治不奉約反傷我官兵紀山奏請進剿○○上以黔督張廣泗征苗有功爰調川督川兵至則進駐澤旺所居之美諾官寨而以其弟良爾吉從征時莎羅奔屬勒烏圍勒烏圍舊名其兄子耶卡居噶拉依舊名則地皆在大河之東而河西亦有賊地數百里張廣泗奏調兵三萬分兩路由山西入者攻其河東由川南入者攻其河西而河東又分四路以兩路攻勒烏圍兩路攻噶拉依其河西亦分三路攻庚特額諸山期以是年告成已而阻險不得進十三年春諸將多失事張興駐馬邦爲降番所誘被戕噶固土兵從征與賊通遊擊孟臣戰死乃○○命大學士公訥親往視師又起故將軍岳鍾琪於廢籍以提督銜赴軍自効岳鍾琪由丹壩取勒烏圍張廣泗由普嶺取噶拉依議既定而訥親至銳意滅賊急催戰總兵任學泰將賈國良皆戰死自是不敢主謀仍倚張廣泗辦賊張廣泗輕訥親不知兵而事權出已上陽奉而陰伎之將相不和諸將遂無所稟承率觀望不盡力軍士皆解體張廣泗所用良爾吉者本與阿扣通莎羅奔遂令與阿扣爲夫婦其繫澤旺奪印信皆良爾吉所囑也既在軍則爲莎羅奔耳目軍中動息賊輒知得早爲備而張廣泗待之不疑岳鍾琪

密奏之是年自五月進兵至八月未得寸進方攻喇底山十數城噪而下我三千兵皆潰○○上以訥親張廣泗各持私見致債事皆罷斥之○○命大學士傅恆往經略至則斬瓦爾吉阿扣以斷賊內應增調鄰省兵刻期進剿軍聲大振莎羅奔即卡懼於岳鍾琪代乞命傅恆奏之○○上命受其降莎羅奔即卡至軍前泥首請罪遂罷兵俾仍爲土司蓋叛則討之服則舍之固我○○皇上威德並用之大度也無何即卡主土司事不數年漸狂悖二十三年逐革布什咱土官及澤旺之子僧格桑於吉地總督開泰檄九土司環攻之久而漸懈即卡侵鄰境不已三十一年總督阿爾泰往責諭始返諸土司侵地未幾轉以女妻僧格桑兩金川由是狼狽爲奸矣澤旺老且病事皆歸僧格桑已而即卡死其子索諾木益凶狡與僧格桑相勾結三十五年僧格桑侵鄂克什據其地阿爾泰又往責始還之三十六年索諾木計殺革布什咱土官并擄其妻僧格桑再攻鄂克什侵及明正土司阿爾泰遣兵護鄂克什僧格桑遂與官兵戰事聞○○上以前此出師本以救小金川今小金川反肆逆罪不可赦乃○○命大學士溫福赴蜀尙書桂林代阿爾泰爲總督共討賊溫福由汶川出爲西路桂林由打箭爐出爲南路三十七年春桂林克卡丫復革布什咱故地溫福克資哩及阿喀木雅五月桂林遣將薛琮等裹五日糧入墨壘溝賊截其後路不得出將卒三千餘皆歿泗水脫歸者僅二百餘人桂林匿不奏爲阿爾泰所劾乃罷桂林先是故將軍阿桂以緬事罷官在溫福軍從征尋授提督至是○○上卽軍中擢爲參贊大臣赴南路代桂林進剿十一月克翁古爾壘及僧格宗乘勢直入十二月遂克美諾官寨溫福亦克路頂宗明郭宗至美諾相會僧格桑先送其妻妾於金川自赴澤旺所居之底木達澤旺閉門不納僧格桑殺闖入而去由美臥溝竄入金川溫福軍自底木達俘澤旺送京○○上初意祇以僧格桑叛逆故申討索諾木雖不靖未與官兵抗尙無意於并滅之也然已預燭二酋必相黨助兵不可中止已○○命溫福爲定邊將軍阿桂豈昇額爲副

將軍以備進兵至是價格桑既竄入金川將軍等檄索諾木縛以獻不應而軍前擒獲賊番皆言小金川抗拒時金川嘗遣兵來助是其黨惡肆逆更不可不討乃命乘勢卽進兵溫福由功噶爾拉入阿桂由當噶爾拉入豐昇額由緯斯甲入三十八年春溫福以賊扼險不得進別取道攻音嶺駐營於木果木令提督董天弼分屯底木達以偵賊六月索諾木陰遣小金川頭人七圖安堵爾出美溝煽惑番之降我者先攻董天弼戕之自山後來擾木果木劫敵局斷水道運糧夫爭避入大營聲如沸粉且亂營中兵遂潰溫福以親兵百人搏戰力不敵被害提督馬全牛天昇亦戰死其餘文武官殉難者數十人陣亡兵三千餘人小金川之地復陷於賊阿桂聞變知必有降番內應凡價格宗約咱卡丫諸寨番悉擊殺之故一軍獨鎮定然賊勢方橫我孤軍亦難獨駐乃整隊出駐翁古爾壘○上授爲定西將軍豐昇額明亮爲副將軍調滿洲索倫及各省兵赴剿阿桂改赴西路由鄂克什入明亮赴南路由瑪爾里入皆以十月中起行豐昇額仍在緯斯甲進取喜阿桂軍克資里克阿喀木雅克木爾壘克路頂宗克明亮宗凡五晝夜遂直抵美諾復之明亮軍亦克得里克日泰克赤爾丹思克得布田兩路兵所向皆捷遂盡復小金川地○上以番夷之性但知畏威不知感恩前此寬大受降故無所懲轉肆猖獗今不可不大創之也特慮諸將畏難或冀索諾木縛西來獻卽圖撤兵則無以伸國憲靖邊微預飭諸將必以掃穴擒渠爲厥事阿桂力以身任之三十九年春阿桂進據谷噶其前有羅博瓦山最險峻必先取之始得建鎮勢乃遣諸將海蘭察先繞出其後額森特繼之海祿又繼之普爾普攻羅博瓦之前山福康安由右成德特成額由左皆乘夜潛進比明賊乘高來衝我兵仰攻不退俟賊近射之無不應弦倒最近則刀矛短接賊始敗我兵直上據其山海蘭察等亦盡克第三三四峰嶺寨據之因進營喇穆喇穆會豐昇額攻宜喜未下留舒常軍繼賊移兵攻凱立葉又阻險不得進阿桂令其來併力乃留五位軍於凱立葉留五福軍於丹壩自率兵

至阿桂軍時方攻格魯瓦地益險葑羅奔等皆聚於此我軍盡力摧陷仍爲所阻六月偵知色溯暫有間道可出其後乃令普爾普成德先攻喇穆喇穆各寨以誘賊海蘭察兵卽直上其第一碉外有積木段而登四面圍之賊伏碉不敢出我軍開一面使遁而伏兵於兩旁擊殺之遂克色溯暫賊退守登古及薩斯甲尺備禦益密惟逃四最高峰有兩大碉踞絕頂其旁坡崖如削度我兵不能度備稍弛七月令諸將分路攻旁近各碉寨數十處賊亦分數十處來拒海蘭察遂夜率敢死士六百人踞最高峰藏火繩由石壁陡滑康攀而上前人之繩幾及後人之頂以手引手至其碉比明一湧而入賊皆殲焉諸將之分攻各路者勇氣百倍連日夜不息所向無不摧破遂盡得左右數十里礮寨乘勝又克日則丫口據之其下直臨遜克爾宗八月克該布達什諸木城九月賊酋力不支會僧格桑已死乃遣人獻其屍及其妾側累并頭人七圖安堵爾等至軍前乞赦其誅阿桂械送京而政益急遜克爾宗爲賊巢勦烏圍外障賊以死守百計攻之不能入而日爾入當噶之下榮噶博爾之上有默格爾山可進十月大兵奮力攻克之其危險一如色溯普時遂由默格爾下擊密拉噶拉木大寨移營駐其地距勦烏圍僅二十餘里於是榮噶爾博及日爾入當噶之賊反在後皆已失其險遂攻日爾入當噶下之并克凱立葉穆爾津岡作固山等險五福在丹壩望見隔嶺煙燄蔽空知將軍已在此也越嶺與阿桂會五岱亦由凱立葉來合軍賊退守康薩爾時已十一月矣十二月又克榮噶爾博各寨此三十九年阿桂西路軍戰功所歷也是年明亮南路軍亦於正月中攻克馬尼山富德繞出山後與之合馬尼諸賊盡潰奎林以皮船渡河至博喀亦克其木城二遂合兵攻奪絨布寨駐兵二月進攻卡卡角賊守木谿以拒諸將田藍玉與善保夜宿陡崖旁僅容趾比明至山巔賊不知我兵所自來但見從石隙中出皆驚潰遂得木谿各寨越數日再陞一山忽軍賊突出來犯而火藥不燃懼而走我兵揮刀驅殺無算其旁山之賊以礮擊又炸我兵氣益奮遂克卡卡角而

卡卡角之前地名庚額特危峰壁立山腳直下至河惟山半有綫路又兩石卡扼其旁土人云是金川西南第一要隘賊所死守處也是以絨布寨之軍阻於險無路可入明亮乃欽由正地進兵使人探路探得數十里無人恐賊誘我入而截於後也亦不敢進遂亦欲赴阿桂軍合剿阿桂札止之謂仍應由宜喜入以分賊力舒常在宜喜亦札明亮來會攻適綽斯甲布土官請爲導明亮從之宜喜之要隘曰達爾圖賊連築七碉以拒明亮令諸將奎林等各攻一碉冒雨進皆克之遂移營駐守時阿桂在色棚暫遙望達爾圖山賊碉盡去但有七營知明亮已據此得勝勢也尋又克俄坡格勒古八月克木刺什十月克琅谷移營駐之琅谷之前有日旁山其趾下插河流得之即可與阿桂軍隔河通往來顧崖壁陡削僅有斜徑一綫闊不盈丈至山半又有石包賊據以守乃覓間道繞出石包之後出賊不意急攻之盡得日旁碉寨石包之賊逃無路悉滾崖落澗以死於是循山麓而下直至河與阿桂日爾入當山軍營遂一葦可渡此三十九年明亮南路軍戰攻所歷也是冬富德在絨布亦攻克德木特布咱納各寨又克穆當噶爾要隘而阿桂軍攻康薩爾賊以距巢益近守益堅故頓兵兩月餘四十年春乃分兵三隊拔鹿角越重濠從槍石如雨中先攻第一碉適有賊露身出碉外一矢殛之遂一呼而上奪據其碉之下有地道通第二碉我軍望以石急攻第二碉亦克凡兩日夜盡得康薩爾各寨賊既失要隘益抽兵扼於噶爾噶噶力死守阿桂計河西軍或有可乘之隙乃約明亮過河訂期兩路並進使賊不得抽調禦我會連雨數十日四月中旬始霽阿桂攻木思工噶克明亮攻宜喜同日進師阿桂先奪木思工噶克盡焚其寨落又攻克得式梯上下各碉遂移營於榮噶博爾之第三峰而明亮軍攻宜喜不克阿桂遣海蘭察福康安等以兵助之偵知甲索僅有賊老弱防守令敖成直入連破十碉遂分兵六路盡洗二十里內各番海蘭察復攻得薩克薩乃回河東軍而河西茹寨一路十餘里麥田將熟賊以死守薩明亮先攻瀕河六寨賊皆竄遂克茹

寨於是沙壩山及得楞皆下五月阿桂軍克噶朗噶距勒烏圍僅數里遜克爾宗已在我後而賊猶據守阿桂念留此賊於後糧路可虞非計也遣豐昇額擊以徽成德等越崖礮而上襲得上下各礮豐昇額知賊必遁先整兵以俟其走悉掩殺之遜克爾宗既得我軍無後顧憂乃進逼勒烏圍賊又守昆色喇喇嘛寺其地在拉枯喇嘛寺之上山益險六月阿桂軍由舍圖枉卡紆道入賊伏於巖洞突出犯成德等以短兵接泰斐英阿即直趨拉枯寺之上額爾特又直上昆色爾山巔海蘭察復奪果多克山悉據勝勢而拉枯寺賊尙多泰斐英阿額爾特等自上攻下成德等自下攻上入寺搜羣賊盡殲之常保祿又攻舊則大海額其垣七月阿桂軍克冷角寺以十三日抵勒烏圍其地本賊老巢囤積糧厚西臨大河官寨之南木城石砌鱗次楹比長一里許迤南有轉經樓與官寨相犄角可彼此相救其東負山麓又有高礮八層層各高丈許礮之上礮益多水路敗回之賊皆助守於此阿桂趣諸將於勒烏圍轉經樓之間先破其礮寨數十區卽立柵駐兵以斷賊互援路而高礮陡削賊可下擊我兵不能躍而上則令軍士縛木於肩背手推土囊匍匐至礮下層層疊堆起頃刻立三木柵俯擊礮上賊其礮下賊有掘溝以抗者我軍亦穴地轟擊之轉經樓之西南有嘉爾日礮橋令楚兵善泅者縛縵於其柱曳而圯之是時明亮軍在河西見我軍已駐勒烏圍恐西岸賊過河往救亦擊河西各寨以綴之八月十五日夜我軍四面合圍礮轟槍擊或拔寨入或騰而上呼聲震地擲火彈如流星賊盡潰夜半遂得官寨黎明又克轉經樓賊之逸出者嘉爾日礮橋已斷多落水死莎羅奔兄弟及各賊目已先期遁乃譟進搗噶拉依宜先攻西里越科布曲山至瑪爾古當噶則噶拉依卽在其下可俯而壓也九月克莫魯古進抵西里有木城一石礮二與西里寨互援我軍於槍礮如雨之中步步立柵以進是夜擲火彈入木城城外積枯木甚多值大風起延燒木城頃刻盡賊之竄出者悉爲我兵擊殺不出者斃於火十月下至卡布角克之十一月又克舍勒固租魯及雅馬

棚賊復於科布曲山結寨死守十二月分四路進擊克之而科布曲之上有索隆古山礪卡更密官兵攻其前索倫兵士兵繞而攻其後又克之十三日至朗阿古其頭人色木里雍中等率五百餘人降遂由瑪爾古當噶進據舍齊雍中兩寺十七日大軍逼噶拉依番眾大小男婦紛紛投出不絕其大頭人布籠普納木達什阿庫營等皆降二十日索諾木之母阿倉姑阿青及其姊妹亦來降知索諾木莎羅奔并造謀之頭人丹巴沃羅爾皆在圍中蓋諸賊稔惡已極故天使之羣聚一隅使我得一網盡之無遺漏也而明亮軍自克茹寨後至額爾替又阻明亮以向來軍中運噶有邪許聲賊習聞之不設備六月適朋鐺大噶成乘挽運聲喧遣奎林和隆武等分三隊急進賊不覺遂突入其棚克之因并破石真山各寨七月進取扎烏古先遣土兵渡至東岸越扎烏古之後仍渡而西突出擊而官兵在前夾攻遂克之扎烏古之上賊寨甚多而官兵少不能分擊八月明亮過河欲阿桂分兵往助是時勒烏圖已克方議進取噶拉依阿桂以大兵直指噶拉依則其餘枝節自解不宜轉分力於枝節乃與明亮約河東兵攻達思里河西兵亦攻礪占賊方抽兵護達思里則礪占易克也明亮從之而礪占之賊守甚固九月別取道攻斯底葉安十月攻納木迪閏十月阿桂遣兵一千來助遂克日斯滿而阿爾古賊皆焚寨遁時河東軍漸逼噶拉依河西賊皆喪膽故所向輒克遂由甲索獨古木通乃當山掃甲羅爾獨松遮巴布朗谷悉迎刃而解乃當之南爲馬爾邦過嶺即富德駐兵處也富德先遣舒亮穴地道以火藥轟噶哨據之至是赴馬爾邦與明亮合軍以次御穆谷庚特額諸險皆下十二月明亮富德會阿桂於噶拉依時大兵合圍立棚周數里無一罅可竄出密如網又鐺大噶轟擊連日夜不止噶所著輒洞牆壁數重復斷水道以困之索諾木益惶窘使其兄岡達克及喇諾穆彭楚克先詣營乞哀索諾木復懼死不敢出四十年正月岡達克懇遣人往諒仍稱病匿堅礪中我軍攻益急二月四日索諾木計窮乃率莎羅奔甲爾瓦沃羅爾斯巴丹及其妻并兩大

頭人丹巴沃羅爾阿木魯等望大小頭目及番眾二千餘人出寨捧印跪獻軍門金川平先是賊勢熾揚言寨破當舉家自焚死至是竟無一自戕者悉就俘大功告成露布八日至京○○上恭謁○○○兩陵禮泰岱告闕里獻俘○○○廟社○○○親行郊勞禮飲至策勵封阿桂誠謀英勇公在事大小文武官員以次封賞進秩○○○命繪諸戰圖及功臣像於紫光閣恭上○○○聖母皇太后徽號○○○頒詔天下○○○慶典軍施○○○御製碑文四篇一刻太學一刻美諾一刻勒烏圖一刻喀拉依設鎮安營駐官兵鎮金川地復定各土司分年入覲例自此各番畏威懷德保寨守邊西南陲永久甯謐億萬年長享太平定於此矣

按兩金川地較之準夷回部曾不及十之一攻五年而後得之勦伐似未足侈逃然其地尺寸皆山插天摩雲羊腸一綫紆折於懸崖峭壁中雖將軍大臣亦多徒步非如沙漠之地可縱騎馳突也其扼隘處必有戰礮鑿以石而設於牆垣間以槍石外擊旁既無路進兵須從槍石中過故一礮不過數十人萬夫皆阻破之之法必步步立棚自護以次進逼轟大礮擊礮使賊陝輪不能立足官兵亦隨礮入毀而殺之其有礮多徑阻必不能攻克者則用繞道別進之法視危險絕礮無可措手賊所不備處乘昏夜捫蘿攀石手足并行如獲循條援引臂以出其後夾攻之故常分路各進或三四百人為一隊一二百人為一隊賊何險於叢菁深澗亦不過數十人即突出來搏計自用兵以來我兵不下七八萬人從未有列堂堂正正之大陣開戰場以決勝負者皆鑿山裂罅而後突入又其地雨多而峭少賊之咽喉復能用札答那術以致雨雪泥深路滑我兵力益難施是以地不及準夷回部之大而致力於無可致力之處戰攻之苦不啻倍徙過之昔哥舒翰以四萬人破吐蕃石堡城之險唐史侈為奇績然所攻不過一城今則知石堡城者不下數十百處節節出死力得之則績之奇史前古所未聞也或者謂叢菁小礮不妨度外置之殊不知

層耗國帑兵力於此不毛地抑知彼既隸我戎索自難坐視其跳梁而番夷之性但畏威不懷德乾隆十四年固嘗受降肆赦免刀饒而班席之恩至渥矣正以未經大創轉狙爲故常不十年又生事使非有以痛懲之將益無所儆懼各土司弱者被劫強者亦效尤邊徼且無甯歲屢擾而屢討之其勞費更不可計數也我○○皇上決策勦滅乘國家全盛之力兵少增兵餉少增餉卒草薶禽獮不留遺孽自此西南陲可千百年無事此正一勞永逸之長計而豈小見懦識所能仰窺萬一哉至於運籌握機制勝萬里軍書胥至○○批答不逾晷刻諸將稟承動致克捷卽有時閫外所籌有○○諭旨未到已適相合者亦或有○○諭旨到已移步換形者而○○神謀睿算絡繹至軍諸將知○○聖心所注宵旰靡甯皆震動奮勵不敢稍存苟且之意軍士亦無一懈心用是謀者殫慮戰者畢力陷堅摧險迄奏大勳鋪觀史冊千古以來未有不事蹟於因循而功起於振作者然則埽穴擒渠固諸將士之力而策羣力以集事則惟○○皇上獨握成算堅走不移以成此駿烈也猗歟豈不盛哉

蜀微紀聞

青浦王 記著

乾隆三十六年九月予從定邊右副將軍溫公福於永昌將襲緬甸四川金川土司索諾木與革什咱土司拉旺斯布登風有隙隱為兼併計四月乘其浴於溫泉掩擊殺之取其地先是金川有文欲與革什咱之會革什咱所轄土舍期卡瓦爾佳叛奔於金川索諾木妻以女還同革什咱令同土司便刺之期卡瓦爾佳至革什咱不得近五月拉旺斯布登往索諾木期卡瓦爾佳至革什咱索諾木其不備要殺之金川欲以期卡瓦爾佳遂以眾侵明正土司而金川土司僧格桑者本與金川同祖且娶索諾木妹自上年土司索諾木不服乃止遂以眾侵明正土司而金川土司僧格桑者本與金川同祖且娶索諾木妹自上年已指沃日土司色達拉為呪詛致其父子患病且年歲不登舉兵攻之於是大學士總督阿公肅親王達固諭以順逆利害並割沃日舊寨及日耳地界小金川色達拉退棲於達固僧格桑始歛兵退然番人軍師敦嘗遣人赴西藏禮達喇喇嘛謂之敬茶喇嘛番僧之謂達喇山寺大喇嘛小喇嘛其智慧法力如海也唐杜蘭伯特地與天竺五印度鄰自唐以來即崇尚桑門教主地方者為拉藏汗達賴喇嘛與之分治其民預給金冊金寶其印文云西天自在佛總理天下釋教普通日赤拉坦喇嘛達賴喇嘛之印以國語漢字古唐古忒四種字刻之凡喇嘛皆作黃帽故謂之黃教又有住後藏之班禪喇嘛得尼梵言寶也達賴喇嘛自宗喀巴以來其胡必爾罕皆轉輪世每一世降生並轉輪世其在中及蒙古部落者四章嘉折卜等名堪布其大弟子名堪土克圖大弟子降生亦如達賴喇嘛其在西藏及蒙古部落者四章嘉折卜等名以工巧善呪使鬼神風雨為能與達賴喇嘛統緒之又每歲冬番人入內地傭工謂之下場及是有司惡僧淨者稍間故令協助黃教且使達賴喇嘛統緒之又每歲冬番人入內地傭工謂之下場及是有司惡僧格桑桀驁禁其人勿許出境於是僧格桑疑色達拉實陰謀惡之聞革什咱事乃復圖沃日之日隆木耳達固抵斑爛山皆築礮守之阿公乃奏言僧格桑凶狡反覆非大創不可自往南路打箭爐調兵進剿而令提督董君天錫赴西路討小金川天錫偵山神溝有間道思掩之時八月連日雨雪遇賊兵皆潰松潘鎮總兵福昌攻斑爛山亦敗事聞○○上念兩金川番人素獷悍不靖而僧格桑案諸木皆年少凶頑狂悖不誅後患且無已時然金川自傳公恒經略後羈縻臣服垂二十餘年又路險不可攻且兩酋勾結久若兼討必益為死黨滋事難制○○上因決策先勦小金川滅僧格桑則案諸木必懼而聽命然阿公遠

延長萬弗勝任○○命德公為總督四川總阿公入開辦事會德公在途奏摺事不辦○○旨罷為三等侍衛復令阿公兼總督如故終以其嫻吏治不習軍旅於是止調總之舉○○命右副將軍麟往四川區處軍事時前副將軍阿公體方以經事革職在永昌置公以其久在四川熟練邊事奏請隨往自効二十五日得○○旨授阿公四川總督邊公又奏言自永昌至四川雖有山僻小路回之地方官將條夷苗難處之地人夫牲畜稀少沿途并無住宿村莊必須長行騾馬駝載餽帳轉恐不能遠行應由省軍之舊益州經貴州威甯畢節一路入蜀共五十五站星馳前往計十月二十間可至成都在滇之滿洲兵二百黔兵三千應令參贊大臣五岱及雲南昭通鎮總兵官馬彪率之分隊隨後啟程二十八日遂行參軍事者兵部員外郎巴君尼瑪尙君安及主事王君日杏趙君文寶皆同行辰刻雨頃之晴所過官坡威甯暗鐵索橋泥途滑滑徒御頗為艱窘戊刻抵杉木河誌

三十日丑刻行薄寒中人殊不可忍辰刻過漾濞稻畦已刈矣今秋雨多百溪怒漲漾江水尤旬餘賊沓可畏酉刻抵合江飯已段生雲程來生家於此其父子兄弟皆學官弟子上年五月二十二日余主其家會密雨倚樓望四山雲霧隔鄰澗橋皆竹樹與溪水鏘鳴徹夜枕上因作四絕句所謂兩年七度紀山程伏雨蘭風馬倦行好韻南樓弦誦士澤車款段足生平者也生出詩文質正且欲求師時予門人蔣檢討鳴鹿方主大理書院講席乃作書使往受業焉至是夜走送頗感其意

十月初一日寅刻過龍尾關日出過趙州憶去年經此州南十餘里有飛來寺寺為景泰六年中消所修後殿殊高登之可瞰百餘里時點蒼方出雲不見頂洱海在杳靄空濛間如一縷縹緲盡今過此尚味爽不及登也午刻過白崖戊刻抵雲南驛

初二日子刻行辰刻至普濟時戶部右侍郎桂公林亦銜○○命赴川辦理軍事為副將軍作書與之訊

兩金川近日情狀飯已至天神堂有微徑通顯鶴塘林木陰翳黃葉時墮露路流水淙淙景物極幽寂然地下沮洳夏秋弗可行也夕抵沙橋已見初月

初三日過呂合至楚雄飯於同年太守周君臨清廨中見宗人誦芬大令草草不得語也夕抵廣通接德制軍書來信云已督兵渡明正土司河攻取碉樓數座戮番眾百餘人

初四日過捨資祿豐皆曠若而去及暮微雨抵鍊象關俗名老雅關也

初五日子刻行雨甚乃舍輿而馬黎明至安甯州未刻過碧雞關重臺梅萼已慘薦紅蓋在滇四見此花矣爲之慨然申刻抵省復晤法謙亭明博晰齋諸公是夕諸輩仁撫軍促小飲二鼓歸諸事拉雜弗能寐也

初六日辰刻將行有歌者楊邇來送意頗掩抑楊本貴州人向爲吳制府藩署所管因徙居昆明竊以詩贈之有錯認生來神女廟畫梁初日是芳名之句就道雨甚過板橋與唐再可思明府余庚有聲長同知小坐話別而去亥刻始抵楊林

初七日寅刻行已刻過易龍戍刻抵馬龍署州事平君邀飲來見同年瑤海臺臺之弟也

初八日丑刻行已刻過松林驛又八十里戌刻抵炎方驛即來遠驛也南甯令楊君興邦以部署驛事在此中夜來謁余方據案作文微相對惘然

初九日微陰辰刻過霑益州自易龍以東地多平敞申刻至宜威州則四山環抱林莽復蔽虧矣夕抵淌塘驛郵舍僅數椽疥牆溼地弗可憩也飯畢即行西風作五鼓寒甚

初十日辰刻渡可渡橋橋長數十丈雄壯險阻演黔接壤處也亥刻抵威甯時趙君雲松新授貴西兵備道抵省聞予輩來乘速至此令候人來迎過舍小飲出近詩見示中如打牛坪諸作皆雄傑可喜知州崇

君士錫江蘇天長人爲癸酉同年是夕往憩其署作奏草

十一日辰刻過鄧子坎又四十里過渾水塘四十里過水槽黔中多雨泥淖殊窘於行四十里抵七家灣得○○旨知阿公爾泰破小金川四寨盡復明正土司地進攻約賄大寨遊擊宋元俊之力爲多宋安徽鳳陽人在川久熟習番人蹤蹟故能然○○上嘉之特擢爲副將四十里過平山哨又四十里過新屯又四十里過高山鋪又四十里抵畢節時已亥正三刻矣

十二日已刻拜摺後行畢節爲黔滇兩省銅運總匯處市集甚盛行二十里度七里橋上爲七星關氣象頗雄闊又四十里抵層臺俗名孫家集時同年戴君湘在此辦理驛事憶戊子冬赴滇時君由玉屏令擢定番知州方謝事今復署黔西州三年賦別世故滋多秉燭絮語爲之淒絕

十三日行五十里過白崖又五十里未刻過赤水河一名齊郎水其源出貴州赤水衛故名流至四川合水縣入於大江水色深綠扁舟以渡河西卽四川界也登岸村舍半場無坐處食粥少許又行三十里下山其峭俗以判官腦呼之時雨大作行頗艱險又二十里戊刻抵摩泥有微月村家早閉門無可棲止者久之得一空舍蓋萬壽宮也取火市米呼守舍一嫗炊飯飯輿人去

十四日子刻過半邊山止於逆旅無人夫不能行秉燭危坐因思查君儉堂方爲四川松茂兵備道小金川各夷境皆其所轄也乃作詩四章寄之比曉始雇買易人舁輿以行五十里過普市市在山半又四里西刻過滴水鋪始有供帳具又四十里亥刻抵永甯

十五日卯刻過老軍營又三十里已刻過馬嶺又四十里未刻至江門驛驛西清水河源於雲南鎮雄州乃是太平山始通舟楫聞副將軍已從水路往蓋自江門至瀘州應歷大洲渠壩納給三驛凡一百六十里若乘舟順流半日可達也西刻予同兵部員外郎尙安後改名伊麟亦登舟江出兩崖間水湍急所謂江門

峽尤悍舟至是忽落數丈其旁巨石如獼獅奔馬皆與船舫互擊初見山腰遠火上下與舟人呼嘯頃之齊列峽側因是峽險惡晚行尤不易故土人把火來照云時儻從不寐數日矣是夕皆熟睡

十六日寅刻起倚艦眺望微月將墮水雲空濛舟人指云前納谿縣也繞縣境北行水漸逆是爲清水河入大江處頃之見大江從西來沖激渺瀰又東行二十里午刻至瀘州閭閻富庶市集繁華蓋雲南之銅皆於此運江行故然寓舍堂軒整敞蓋川南道行署也時尙君小極憩久之乃行三十里抵林坎驛則二更餘矣

十七日子刻行辰刻過嘉明驛明隆慶間都蠻之亂曾設通判於此理糧餉後裁五十里過石燕河又二十里亥刻抵隆昌縣令朱君雲駿出見無錫人頗工詩官蜀後所刻萬里集尤多佳者銜杯晤語移時而別

十八日行三十里辰刻過雙鳳驛又三十里過樺木鎮又三十里未刻過內江縣江水自灌縣來分爲二此支由成都之北繞縣郭流至瀘州入江故謂之內也又六十里戌刻抵營山鎮飯已小憩

十九日子刻沿唐明渡行六十里渡中江寅刻過資州辰刻過金帶鋪又四十里午刻過南津驛又六十里未刻抵資陽中江自北來繞城東行至城南而資溪水自西來注之城在資溪東故謂資陽令山東孫君聲出迎甚恭予弟秋汀啟梟富順縣丞以協理驛務在此不相見者十五年矣一則天涯薄宦一則雪嶺從軍草草數語而別不覺墮淚也又四十里戌刻抵臨江寺

二十日子刻行六十里至簡州知州陸君元鼎出見蘇州人名醫薛生白增飯已七十里過龍泉驛以近龍泉山名又七十里抵成都則副將軍已於十八日至阿公於十九日至寓皇華館在城之北

二十一日詢各路軍情打箭爐距章谷四百里章谷距約咱二十餘里中隔河夷人用皮船往來今造舟